

112 年全國語文競賽原住民族語朗讀 【拉阿魯哇語】 高中學生組 編號 4 號

ina'a nua ihlaku

laihla ulima ari mataingalɔ malihlɔlɔhlɔa vulahlɔ, maru cacihli
mamaini maru hlipaiatuhluhla vulahlɔna paumamainiaɔ, ma
hlipaumamainiisa mahlava mavacangɔ ucani pihlingi. marapihli kani'i
pihlingina, mupuhla ucani siasasangara. ma aisa cucuikatumahlana, maru
cacihli ahlaina kuariringingi tupuru naana, kuhlimicikiri
hlimalusapɔ mamainina.

ulavaisa kani'i siangusipiisana, marataisa malavalɔ malavalɔ, angahli
mairahlu cacihli cucu'u, marasasau cucu'u. marapihli siangusipi, marapihli
mamainiisa, patuturɔa kana'ana kirangahlɔ kirataisa kirakakua. ta'iaraisaka
siatahluangahlaisa taku'i'iarɔ. tarutuahlɔa kana'ana mutumuhlu takuliacɔ,
ma kani'i sitakualangulangunana, masuturua kana'ana manganɔ vahliciisa.

sihlangu naia matukusɔ, salua kani'i hlakaarumukana marikakuan
sasaruana, kucuatɔatɔhlungɔ hlipasalangulanguisa. ucaniika kuisau
kana'ana, miniki langulangu singusipa ia marapih; i mamainisa
maisukasicua tukuisa. sitakualangulangu pasamiana kuisau, kani'i naani
tumutaisa tumangi, marahlivu'ua tukuisa, umariva mamainiisa, sapi
hliɔlɔlɔlɔisa vulaihli, mutusua mukua sapiisa mamaini. marakucualuliri ma

macuisa hlitakumiana murumita 'ahliacuvunguisa, hla ausi
hlimiatukusɔ hlikɔlɔcɔhlaisa. kuavacangɔ siangusipiana, mara
mataingalɔ pahluamiaisa, kapasalivutu, marapihli siangusipiisa umuhliuhli
vahlituku, matumuhlua hlialanguisa.

arina miacacalivi, mamainina aramuamuarɔ arataisa, aramuamuarɔa
kana'ana arahlamama. mukakakuacu varu'u siangusipa, aravacangicua
siangusipiisa, mairahlu kuisau taku'i'iarɔ. musiria mamaininan aratingi
maituturɔisana, taratuahlɔ vɔkuisa marausau, mulɔmulɔmɔ mulululɔ, maru
mainia takuliacu tukuisa. atɔhlungɔ hlicaliva ari, ma kani'i
langulangu hlicalivaisana, aucaucani hlikiramia tamuucu langulangu,
hlimulavau ucanii ia hlikiramimia. kani'i hlicaliva likihlina kucu
uangahlangahla murumita, kani'i hlitakulangulangunana micalivicu,
hlimusiria 'ahliacuvungana ucaniika cucuaari, ma cucuari
uamia 'ahliacuvungana, saaihla usumanɔ sitakualangulangunana, ta'iaraisaka
marahlivucua kana'ana. makatavahlihla makalɔpungɔ, pasamiana
kuapalupalu cucu'u, sapiisa kana'ana rianɔ hlicalivana, kana'ana ia inaku.

母親與我

十五日的月亮格外圓，一個新生兒的誕生給這個家庭帶來了極大的喜悅。人群中，一個女人靜靜坐在那裡，視線一刻也不離開孩子。

後來她的生活發生了翻天覆地的變化。為了生活與孩子，她毅然邁出了沉重的第一步，畢竟這是她第一次打工。她在磨難中學會了堅強。

陽光把希望帶給了大地，卻遺忘了在黑暗中掙扎的她。但她為了孩子仍咬牙扛了下來。艱難的歲月總是無休止的，現實赤裸裸地擺在面前，拮据的生活成為她最大的絆腳石。她不輕言放棄，為了生活她到處籌錢，欠下了不少債務。

隨着時間的飄逝，孩子漸長，她漸老。跨進新世紀，生活富裕了，而她依舊不停地工作。那個孩子站在角落凝視着她，她髮上的幾根銀絲使淚水頓時充滿了眼眶。驀然回首逝去的日子，她一路走來，每步都是那麼的沉重，遺留下來的只有歷史的痕迹，一次次的艱辛已成為過去式，站在她面前的只有未來，在未來面前她保留了原有的艱苦樸素也已滄桑。花開，花殘，歲月不饒人 她滿臉的滄桑，她就是我的母親。